

nostri in Hongaria, di li avisi di le preparatiom fa Schender bassà per Dalmatia, et che giudichemo za sij concluso con quel re; perhò provedino a le cosse di Dalmatia; et se li manda li sumarij da mar. Ave tutto il conseio.

Fu posto per tutti, *ut supra*, scriver a l' orator a Roma, cercha l' armata yspana partita, e la bona compagnia fatali per il nostro capetanio, et esser partito ben edificato, con promission di tornar; et perhò sij col papa, et orator yspano li scrivi a ditto capetanio. *Etiã* fo leto una optima letera si scrive a ditto capetanio, laudandolo e rigraciandolo, et che li mandemo un nostro zenthilomo. Et da mo sia preso, che li sia mandato a donar marche 400 di arzenti, et sia electo un zenthilomo nostro, per il eologio, qual vadi a ditto capetanio, con ducati 40 per spexe al mexe, meni con si famegij, et uno secretario; et non sij tenuto mostràr alcun conto, qual si parti con la prima galia sotil, e vadi a Corphù, et lievi domino Francesco Floriano, doctor, con li altri presenti, et insieme vadino con la ditta galia in Sicilia a esso capetanio. Et ave 13 di no, et preso che, in consonantia, si seriveria a l' orator in Spagna.

Noto, in dita parte fu preso di far, el primo conseio, esso don Consalvo Fernandes, zenthilomo nostro.

Fu posto per tutti, scriver al capetanio zeneral di mar, provedi a le galie di viazi nel ritorno, per la segurezza soa; et *etiã* a l' armata di la Vajusa, che assa' importano. Ave tutto il conseio.

Fu posto per tutti, scriver al prefato capetanio zeneral una letera, laudandolo assai di le opere fate nel tuor quelle galie *etc.*, *ut in ea*, et laudar Alvise Muschatello, suo armirao; e da mo li sia dato la massaria di fontego, da poi compito questo è al presente, in vita soa: La qual parte non se intendi presa, si la non sarà posta e presa in gran conseio. Ave 4 di no, 160 di la parte.

Fu posto per li savij dil conseio, e sier Francesco Foscarei, savij a terra ferma, la risposta a li oratori di le città nostre, zereha li soldi 5 per campo, in optima forma mitigata, alcuni in soldi 3 *etc.*, *ut in ea*; et provisto a li campi inculti e valle e pascoli *etc.*; risposta ben ditada, e molto longo narando il bisogno e pericolo di la christianità. Andò in renga sier Piero Capello, et contradixè, dicendo si dovesse star su la prima opinion. Andò a responderli sier Alvise da Molin; savio dil conseio. Et fo 3 non sincere, 68 di no, 82 di si.

Fu posto per tutti li savij, che i banditi di questa città e dogado, e di terre e luogi nostri da mar, a

tempo, e anderano con le galie in armada, habi al paga sua è livrata, debbi servir con la mità *etc.*, *ut in ea*. *Item*, quelli sono banditi per homicidio puro, havendo la carta di la paxè, andando a servir la Signoria nostra in armada per uno anno, siano absolti, e sia publicà tal parte, et scripto per le terre. *Item*, si toy zurme di la Riviera di Zenoa, da meterpe 25 in 30 per galia, e tutti vadino a servir im persona e non altramente. Ave 2 non sincere, 31 di no, 98 di si. E fo presa.

Fu posto per li ditti, *ut supra*, che tutti li condannadi, andando a servir la Signoria nostra, sconti la mità lire 20 al mexe *etc.*, *ut in ea*. *Item*, li galioti falidi siano absolti, andando con la mità; il resto vadi a conto dil suo falido; et quelli di novo fallirano, oltra le pene, debino star mexe 6 im prexom. *Item*, de *cætero*, cussi come si dava a l' armar il quinto di le refusure, de *cætero* si dagi il terzo; et quelli, voleno haver tal beneficio, si presenti per tutto il mexe di marzo a l' armamento. *Item*, li condannadi haver strepa' di corda, andando in armada, siano absolti; et quelli sono stà condannadi per li avogadori o vero syndici, non sotozasi a la presente parte. Et have 12 di no, 140 di la parte. Et fu presa.

Fu posto per li consieri, cai di 40 e tutti i savij, dar a Gigni Capededi, corphuato, qual acusò tre rebelli, voleano brusar li la nostra armada, e fonno presi et apichati do di l' horo, e il terzo morto, zoè Dimitri Gimnasi, Gigni Tornichi et Zorzi Cuci, che al dito li sia confirmà quanto li promise sier Marchiò Trivixan, *olim* capetanio zeneral, di certo sab al mese, et di più una balestraria in vita sua su le galie di viazi. Ave 7 di no.

Fu posto per tutti li savij, atento li meriti di Gorlin, morto a la Zefalonia, di Antonio di Fabri e Paulo Albanese, morto a Modom, contestabeli nostri, che al fiol di Gorlin, chiamato Gorlinoto, con la soa fameia, li sia dato di provision ducati 12 al mexe; al fiol di Antonio di Fabri, ducati 8; e a quel di Paulo Albanese, ducati 8; et sia maridate le fie di Gorlin, quando sarà il tempo, e darli ducati 150 per una, e cussi a le fie fo di Paulo Albanese *etc.* Et dita parte have 3 di no, 154 de si.

Noto, in questo pregadi vene il principe, stè pocho, et si parti.

Di Franza, di l' orator, date a Bles, a di 26 zener. Come, per richiesta dil papa, il re à concesso contra Faenza vadi monsignor di Alegra con 150 lanze, cussi persuaso da l' orator dil papa, qual dimandava *etiã* li facesse dar Castel Bolognese; et il re à exortà con letere missier Zuan Bentivoy lo